



顧夢圭

溲縣行

入城半里無人語枯木寒鴉幾茅宇蕭蕭酒肆  
誰當壚武清西來斷行旅縣令老羸猶出迎頭  
上烏紗半塵土問之不荅攢雙眉但訴公私苦  
復苦連年赤旱兼飛蝗今春况遭連月雨綿城  
之西多草場中官放馬來旁午中官占田動阡  
陌不出官租地無主縣中里甲死誅求請看荒  
墳遍村塢



華察

贈高南豐

君家草廬一何窄門對城隅不盈尺蕭然四壁  
空圖書兀坐牀頭僅容膝平生孤介人未知及  
至為官性猶僻莊叟曾聞傲漆園陶潛畢竟辭  
彭澤數畝躬耕負郭田十年夢斷長安陌惟余  
意氣獨相投海內論交稱莫逆學道同窺黃石  
編鮑竒並買青山宅把酒停雲曉閣寒挑燈聽  
雨秋堂夕有時江上東風來吹遍村中杏花白  
春深閉戶興轉幽日暮携筇句堪索

樊鵬

西秦行贈戚黃門

八月仙槎向斗牛朝辭靈武暮秦州欲邀塞上  
追懽飲忽為胡笳起別愁別愁起處愁可劇行  
旌飛入朝雲去已見秦山異昔時更知渭水流  
何處憶昨君至空同山余復臯蘭遙未還幾度  
金風吹雪嶺一行鴻雁隔蕭關丈夫行役貴萬  
里出塞光輝更誰比八寶龍泉紫磧中千金驪

日言書 卷之十五  
裏沙場裏紫磧沙場暗暮雲道傍爭識漢終軍  
為言早向天朝去好取邊情達 聖君

屠應峻

贈吳山人擴

山人出山何所適來作長安五侯客擣藻朝飛  
北海雲磨崖夜泣南山石長安二月花滿烟意  
氣翩翩俠少年千場博戲章臺下百發烏號細  
柳前山人敝衣衣後穿拾謁欲向何人憐投珠  
委玉盈尺箋饑來不售囊中錢短歌為君君自

慰且拂琅玕謝時貴王生解襪只自嗤世間那  
有張廷尉

金大車

牧羝行



杖節漢關道遠叩單于門朔風吹沙白草沒海  
浪浴日黃雲昏臣年未老身為虜此生踪跡淹  
塵土大窖牧羝不足嗟未報君恩心獨苦朝牧  
來青海海水滔滔節常在暮牧遊燕山憑高不  
見玉門關節旄易落心難變尺素驚傳上林鴈

壯年荏苒空白頭生還北闕歲將宴歸來空館  
閒無人土花蔓草秋復春手持舊節謁明主蕭  
蕭空對茂陵樹長安復覩漢官儀回首胡天淚  
如雨嗚呼憶爾黃鵠不同征死生一別難為情

行路難

君不見滄溟水乘潮流入污渠裡君不見荒苑  
蓬山鳥銜墮名花叢人生窮達無定跡百年悲  
歎嗟何益五陵躍馬去不還簷邊白日空朝夕

王寵

送李別駕之楚雄

含香久列尚書省按節俄題別駕輿江左提封  
吳子國滇南夷落楚人墟兩地山川踰萬里玉  
壁巉巖天外起王陽叱馭輕羊腸諸葛懸車渡  
瀘水王臣出入搃賢勞腰間寶劍垂蒼絛紅旌  
問俗蠻溪繞翠幃行春瘴嶺高齊雲樓下促離  
觴絃管聲中別恨長佇看西南傳異績皂囊封  
事入明光

唐順之

結客少年場行

長安少年膽氣粗生來恥作轅下駒買交不惜  
千金產使氣能拚七尺軀探丸夜入平陵郭走  
狗時過渭水隅朱門傾蓋爭言晚白首同心不  
願餘俠士由來重然諾一言妻子堪相託魯國  
朱家不學儒洛陽劇孟偏能博別有侯王勢絕  
倫朱薨甲第接天闈蕭朱自倚金貂貴班許元  
稱肺腑親青牛翠幃朝朝合錦瑟朱絃夜夜陳  
門下俱為驚座客堂中皆是報恩人當時顧眄

生光彩自矜意氣長無改何言榮耀有沉銷雲  
散星分在一朝舊客誰過竇車騎新知盡入霍  
嫖姚始知富貴多親故始知貧賤多辛苦他年  
北闕競彈冠今日南山空射虎積薪前後遞相  
踰一生一死交態殊獨有子雲甘寂寞閉門自  
草太玄書

羅洪先

官軍謠

段都閩所將省兵四百無一人援白沙者

官軍四百數不足衣甲鮮明好皮肉朝遊江上

簇軍營夜向城頭攫人屋縣官供應間遲速虎  
符日日相迫促白沙鄉兵禦奔突兵家勝負多  
翻覆月落荒村鬼夜哭橋頭一炬明於燭剪衣  
誰作招魂曲鈴閣將軍睡方熟

沈愷

虞美人詞

楚王戰罷無顏色錦帳天寒美人泣身經百戰  
竟何成血染草青淚痕濕美人之樂樂亦苦歡  
來能得幾時舞

任瀚

宿州陳愚猛士歌

君不聞夷門老生破萬卷白首不入明光殿南  
陽屠沽提數兵轉盼揮戈下百城桃哀國士兩  
丘土鄧霍元功千載名清朝 明主重文事

七聖臨軒親賜制暉章坐閱董南書鹵簿導歸  
燕許第 武皇末年收官軍 上意不喜談空  
文江東諸兒始講武撚箭颯沓愁胡雲宿州陳  
愚萬人敵陰山射鵰回霹靂野戰才空百將壇

名家世捧降王檄腥風西吹酒泉郡胡沙犯月  
三重暈安得突出一騎殺萬虜生奪班超虎頭  
印

盧楓

韞上鷹

韞上鷹金眸玉爪思蒼冥蒼冥萬里不可到悠  
悠白日空含情朝陽臺暮北極誰為解絛奮長  
翼

尹耕

胡人牧羊圖

邊庭四月始知春沙草初青柳復新金鎬未湏  
窺漢月氊帷時亦靜胡塵黃髮小胡花挿首腰  
下寶刀光映肘日斜驅羝入東林草美泉香誇  
富有君不見虞庭干羽兩階陳白雉黃熊入貢  
頻 聖王有道四夷守沙場閒殺射鷗人

嚴怡

官倉穀

官倉穀官倉穀容易入人罪不易入人腹野有

飢人食豺虎穀在官倉化為土

廣文馬

廣文馬失之瘦顧瞻櫪中鮮芻豆馬如游龍金  
作鞍不問可知州縣官

墻頭草

墻頭草何易枯東家寡婦幼失夫婦失夫色枯  
槁吁嗟不及墻頭草草枯有時還復青失夫之  
婦長伶仃

駱文盛

戰城南

胡風衝塵蔽天黑曉戰城南暮城北城南披靡  
城北辟易將軍素號萬人敵一朝遇虜心膽慄  
何況疲兵與羸卒君不見黃金鑄印空纍纍城  
邊白骨翻成堆

趙貞吉

臨洮院後較射亭子放歌行

東風吹泉作酒香洮水射河河水黃落日正挂  
崑崙傍手鸞勁羽欺垂楊借君廐上三飛驎葱

海蹴踏葡萄漿黃鵠高高摩青蒼彈來一曲堪  
斷腸有女肯嫁烏孫王

馮惟訥

送弘農張子入都

黃鵠羽翼成遨遊覽四方朝發崑崙巔日夕搏  
扶桑却戀瓊樹枝還顧西北翔憶昨射堂初識  
君片言未竟今離羣驪歌併瀉河橋酒馬首遙  
瞻碣石雲君行正踏千山雪及到都門柳堪折  
春鴈南來早寄書上林物色今何如

朱曰藩

鶴泉引贈王儀部

我聞玉霄峰靈湫與天通環視海上山羅列如  
屏風屏風九疊金芙蓉青天雪瀑落長松內史  
讀書處乃在青田之西綠嶂之東有時忽與仙  
君逢仙君含笑入竹中內史謁帝明光宮明  
光起草春日長素心藻質映文昌坐見松雲生  
粉署戲看花水落金塘金塘玉羽無纖翳飛觀  
凌風起雲際得道由來天上仙藏珍且避人間

世永嘉山水足冥搜予亦將從謝客游相思儻  
見南樓月夢得臨臯濯素秋

楊繼盛

苦陰雨

雲黯黯兮鬱愁結雷隱隱兮哀怨絕雨潛潛兮  
血淚下水泠泠兮哀聲咽烏亂啼兮憐人苦花  
零落兮誰是主欲深入兮無永穴欲高飛兮無  
翰羽捫曾問心心轉迷仰面呼天天不語混宇  
宙兮不分藹烟霧兮氤氳西風起兮天霽掛遠

樹兮夕曛聚還散兮暮雲平晦復明兮日初晴  
何時威霽兮天王聖明

蔣孝

送顧九華還江東

對君賦碧草送君靈山東白馬盤雕鞍騷裏嘶  
長風路傍柳枝綠堪折下馬當筵贈離別後夜  
與君相憶時不獨江南有明月

皇甫湜

廬山行贈吳子充

廬山秀出南斗傍錦屏繡谷遙相望五老峰連  
紫霄裡飛流瀑布搖天光披雲摘星結遐想安  
得鶴駕隨蒼茫洞前桃杏幾千載東風遙遙不  
相待匡君已逝留此山蘿月冥冥至今在香爐  
赤日春草生瓊蕊蕭條為君采青天不動九江  
明我欲因之朝玉京石梁對指金銀闕山空無  
人猿夜驚他時肯策千詔杖與爾同吹子晉笙

汪坦

泐之水渡泐河作

泐之水流濺濺望母不見立河邊我母宿留枉  
渚前三月不甘粥與饘燕雲迢迢一萬里我母  
東歸甬東汜尺書欲寄無尺鯉泐水濺濺淚泐  
泐

明詩正聲卷十六

七言古詩七

廣陵

盧純學

編輯

江一夔

校閱

李攀龍

送永寧許使君

邢州十月凋白楊城頭出雲垂太行把酒相看  
日欲墮五馬踟躕大道傷問君胡為萬里去小  
臣罪合投窮荒我聞西南羅施國風氣鬱塞殊  
陰陽長官椎髻見朝吏海蠻醉鼓橐中裝男兒

貴至二千石何地不可稱龔黃壯遊須令百粵  
盡探竒更得浮沅湘永寧自惡無瘴癘明年雨  
露生還鄉

贈許殿卿

前年賜環承主恩去年解裾辭王門身經畏  
途色不動心知世事口不論自顧平生為人淺  
羨君逃名我不免自憐垂老尚憑陵羨君混俗  
我不能有酒便呼桃葉妓得錢即飯蓮花僧

王世貞

俠客篇

七國養士何紛紛誰其雄者信陵君擊柝雍容  
擣上座鼓刀慷慨却秦軍其外碌碌諸公子借  
日迴春互爭綺列鼎常食三千人俱簪珊瑚躡  
珠履就中脫穎君不見一片雄心為誰死燕丹  
恨秦貫白日易水東流羽聲疾倚柱倨罵大事  
去惜哉不講刺劍術金丸馬肝亦何益田光先  
生太倉卒咸陽擊筑變清調碧血殷霜染秋草  
明月還輝博浪沙滄波豈沒齊王島五陵射獵

倚醉歸睚眦殺人無是非髡奴赫奕拜卿相天  
子威權下布衣黃金塢當中路走馬過之不肯  
顧五花騮狐白裘輕薄少年非我儔四座酒莫  
傾請聽俠客行海內萬事何言平袖中吳鉤霜  
雪明出門一笑失所向十日大索長安城

刁斗篇

匈奴鐵騎動妖氛大漢金城上屬雲始顧西宮  
程衛尉還從驃騎霍將軍將軍令嚴鼓聲急轅  
門夜寒刁斗發淅瀝頻敲萬古霜淒清坐轉三  
更月剝剝啄啄如有情丁丁鉤鉤咽復鳴初疑  
玉漏傳籌響忽憶銀砧搗練聲六邊健兒好身  
手中夜聞之氣盈肘匹馬橫度祁連道彎弓射  
得單于首絕塞惟言奏凱歌中原不復聽刁斗  
城南少婦鬱金香織却流黃不下堂願得憑風  
試吹去要知此聲能斷腸

乙卯病後遇生日獨酌

東風吹酒星倏忽辭青天自墮吳江湄一往三  
十年十年抱案尚書前腰腹半已成柘捲歸來

覽鏡忽大咲咲汝低眉為俸錢忽逢蕭相營未  
央雖有月請歸朝堂酒腸唧唧如欲訴且向文  
君乞鸚鵡陽昌壚頭春酒香白眼瞪視天茫茫  
杜曲梨花飛灞陵楊花落不愁花落無處歸只  
恐長條坐蕭索以茲日作爛熳遊妻嘲女諫安  
足儔汝曹骨肉偶相合世間萬事俱蜉蝣君不  
見王元美昨者病欲死眼前七尺無柰何胸中  
萬卷長已矣只今幸逐春陽蘇那不盡倒白玉  
壺當時倘便騎鯨去北斗南箕未可沽

游俠篇

碧眼崑崙奴腰間雙明月杯酒然諾間寸心縱  
橫簇三尺吳鈎七尺身為君一擲同秋塵白虹  
射日日無色咸陽流血波濺人君不見平津邸  
車門戟士夜如蟻乾坤不平從此始曷不一洗  
報天子軹深里人安可擬

慰吳明卿謫和李于鱗

嗚呼吳郎似不欲女人間住畢竟何方可容女  
造物尤來有深意丈夫未必終窮苦屈家老翁

明詩正卷之二十六  
錯解事強作區區不平語迷魂大招招不得鼪  
鼪對泣江上雨魚腹脂消骨何在海內文章竟  
歸楚湘山九疑江九派天地為之尚吞吐回首  
當時一子蘭漸流草木空荒烟英雄七尺本有  
托斷不俯受凡人憐吳郎未買南山田拂衣且  
登五嶽顛倘有韓衆授丹訣八口白日昇青天  
不然來訪王與李片語共作三千年男兒死則  
有死耳安能再辱咸陽之道邊噫嘻勸君歸去  
者誰子其人折腰車馬前

馬節婦吟

芙蓉作花栢作葉秋霜棲機月棲禿銀缸單照  
影底身玉筋雙垂眼中血夜臺低回見君面別  
時蛾眉盡成雪還君寸心如寸珠炯炯寒光猶  
不滅

壯歌行贈沈嘉則遊閩

四明之海一杯水那能便滅男兒趾北過錢塘  
泛震澤處處觀濤壯心起已許芙蓉作報恩還  
將明月尋知己君不見吳下王元美君不見吾

家好兄弟雙披鴻濛萬古色並卧白雪空山裡  
以茲相對輒盡觴慷慨悲歌泣數行世間事事  
俱骯髒身後人人歸渺茫荆嶺初雲未都白燕  
臺落日居然黃窮來捫舌恐不在客處誇腰那  
得強屈指諸侯大寂寂唯有七閩紫氣凌穹蒼  
閩中日日捷書至白茅方印勞飛騎轅門秋霜  
高瘴天幕府春風在平地中丞緩帶容揖客將  
軍解衣延死士沈夫子黃金雖如山願汝唾莫  
視寸心此際如有托十口何煩向人計低昂百  
氏銀不律揮霍千秋鐵如意沈夫子為汝歌汝  
今當柰何若過延津語太阿人間未幾衝波去  
底事精光出絳河

題僊巖文丞相祠

丞相倉皇出虎穴夜半真州鬢成雪江南是處  
萬馬塵海上空揮一腔血丈夫變名難變心此  
心在宋不在身從行少年四五輩個儻千秋荆  
聶倫崖山波腥鼓欲死柴市星寒碧初委若使  
黃冠自北還猶能赤幟從東起僊巖之山鬱嶙

明言山聲  
卷之六  
六  
峴二百年來日月新  
毋論削迹勤王地  
大有衣冠薦芷蘋  
君不見真人奮淮北  
金戈立掃氈  
裘色鄂國喑鳴表  
後身瀛公宛轉留遺息  
解道狂胡運已微  
只今白羽晝長飛  
鐵衣自風石馬汗  
一夕犁庭轉戰歸

夢中得語云百年那得更百年今日還須

愛今日因戲成短歌

化人宮中百事無  
道書一卷酒一壺  
枝頭黃鳥聽作曲  
西山白雪看作圖  
朝愛朝暎上東岫  
夕愛夕陽映西牖  
任他故人不通謁  
任它朝事不挂口  
偶然案頭餘酒杯  
偶然躡屩山僧來  
自斟自醉當自去  
禮豈能為我輩  
哉昨夜懵騰意  
超忽寢時得語醒  
時述百年那得更  
百年今日還須愛  
今日縱能拂衣歸  
故山農耕社劇亦  
不閒何如且會此  
中趣別有生涯天  
地間

定武蘭亭真本歌

髭龍蛻骨咸陽陌  
玉匣千秋閱神蹟  
天涯墨派不欲湮  
為掃中山一片石  
樂論黃庭總非故  
褚

臨馮搦知難敵隆準雖稱高帝裔赤符自許真人獲面面看來俱是態頭頭勘罷無凡格似從天骨見風流小展驥群爭辟易世人耳觀論肥瘦飛燕阿環俱國色一字能開八法先分身立作諸家式陳家老叟似北禪趙吳興乞不可得幾三百年落余手更數千本誰其匹玉燮金題豈增貴連城照乘難為直野夫黠淡一辨香相携去訪山陰宅

過長平作長平行

世間怪事那有此四十萬人同日死白骨高于太行雪血飛迸作汾流紫銳頭豎子何足云汝曹自死平原君烏鴟飽宿鬼車痛至今此地多愁雲耕農往往夸遺跡戰鏃千年土花碧即令方朔澆豈散總有巫咸招不得君不見新安一夜秦人愁二十萬鬼聲啾啾郭開賣趙趙高出秦壘也送東諸侯

思歸吟

庭前衆枯得春蕪不病胡為但忽忽久成清世

齒外人可作時賢眼中物千言辨諱諱柰何六  
州鉄鑄錯更多今朝中酒昨朝醉西隣哭死東  
隣歌男兒捫腹一太息安能低眉望顏色仕宦  
寧堪生耳車歸來亦豈無瑕石不煩公家費俸  
錢亦不願使篇章傳支願抱膝看山色更有一  
計銷殘年

徐中行

送李于鱗守順德

去春從君燕市遊眼前諸子同杯酒今春送君  
河梁上爾我躊躇自携手大雅沉淪况已久吾  
黨相逢信非偶乾坤反覆賢豪至百年麟鳳生  
郊藪孝宗作者李與何力挽江河始東走君  
也早得哲匠心玄夜昭回開北斗睥睨堪凌異  
代人招携復得同心友竭來陸沈郎署中玉石  
蒼茫竟誰剖王生披覩自青年謝客陰森回白  
首余之同袍梁與宗感會風雲成不朽嘯侶頻  
過碣石宮善譚清歡何不有席上揮毫烟霧飛  
燈前擊劍風雷吼喑嘍雄辯謝雕龍等閑世事

同芻狗嗟哉此意人知否世路風塵莽荆棘相  
知歲月違南北塞帷君遂守扶風執戟余猶滯  
京國酒殘日落君當行且復斯須岐路側纏綿  
竒樹本連枝婉孌鴝雛分比翼龍劍精靈雖共  
存瑤琴神理終難識平生知己自君盡別後何  
人寫胸臆趙地曾誇三輔豪意氣環竒自疇昔  
士慕平原有處囊子懷鉅鹿無終食卧閣春風  
鼓瑟聲行軒明月連城色秋日如逢壁使來報  
書慰我長相憶

高陽行送沈嘉則入閩

自從酒人散燕市予亦拂衣歸五湖四明沈生  
忽相過投謁自稱高陽徒夙昔辭場騁高步里  
耳紛紛曾不顧玉簡真探禹穴書金聲未數天  
台賦平生所得皆經竒歷落峯竒少見知夷門  
一顧仍寂寞肝膽熒熒好向誰千金自詫屠龍  
技蒯緤不掩干霄氣琴心欲締千金賞劍術曾  
令萬夫廢獻春一走姑蘇道王家兄弟盡傾倒  
酒酣贈爾游閩篇矯矯雙虹破秋昊武夷之山

昔所經海日照耀千峰青  
珪流九曲挂南斗巖  
壑徃徃藏仙靈中有賢豪稱大度  
客但南游豁雲霧中丞折節魏信陵  
飛將干城漢都護任俠  
從來未可輕伏軾旋收七十城  
劇孟隱然一強國  
鄴其自許非狂生袖中漉漫一  
敝刺留向明卿結知己十口甘  
從吾黨貧寸心忍向風塵死  
九歌伊京想招魂百鍊誰將化  
繞指高陽徒沈夫子擊筑送君  
萬山紫盧敖杖王喬履贈君五  
游從此始

梁有譽

湖口夜泊聞雁

北風夜泊蘆花渚蓬底青燈鴈啼雨  
水宿雲翻路幾千更闌月落知何處  
風塵瀕洞誰非客憐汝南飛霜霰  
翻哀鳴却似畏緇繳塌翅胡能傳  
尺帛嶺樹重重是故鄉故園諸弟日  
相望寒宵聽汝應歌枕兩地相思魂  
夢長

宗臣

湖上行

明言正聲  
湖南湖北雲陰陰石門曉開千樹林日月雙催  
綠髮短江湖獨與青春深楊柳垂絲為誰結  
蕪千里傷予心落花流水去不返武陵桃源何  
處尋道路只今亂赤羽乾坤何處非黃金日暮  
聊為楚澤吟慨慷流涕沾衣襟

吳關吟

孤槎昨夜叩吳關天風吹度茱萸灣人生聚散  
忽如雨更開斗酒秋雲間山中細草綠於髮江  
上驚波高似山使人對此愁朱顏勸君何事不  
早還君不見赤城明月白可掃夜夜仙人吹佩  
環况有瑤草可同攀君胡自令雙鬢斑

謝榛

宮中四時春歌

曉起下階芳草綠越羅昨夜裁春服試看海棠  
開幾枝流鶯啼過黃金屋花落明年仍復新玉  
顏對鏡堪愁人

陳栢

送韓生歸吳興兼呈陳陸二丈

憐女何落魄，栖栖空遠遊。秋風吹榭葉，遙上九江舟。山連西塞茗，溪水歸去鱖。魚肥且美，陳琳豪興筆，若椽陸機藻。思才如綺，相逢且問漢陰夫。為言憔悴今如此。

答謝茂秦

當年擊筑長安陌，旅夜悲歌頭未白。帷幄慙余草檄，踈風塵念爾談天劇。俄聞趙國能憐才，四方賓從如雲來。詞名已羨逐七子，意氣况復凌三臺。中原多事群豪散，爾更西游太行徧。砥道

黃金不可成，寧知華髮還應變。歸來獨守一蓬廬，肯將長鋏彈無魚。窮愁杜甫尚耽句，老病虞卿仍著書。兩兒豪宕翻多事，曾過玄亭問竒字。徘徊交誼已忘年，傾倒詞場應得意。可念千里憐同心，尺書遠寄滄浪深。開緘恍若失炎暑，一能操白雪音。別來為問春風蕝，歌舞叢臺今已歇。老去情知見面難，遙向漳河賦明月。

王崇古

別離難

別離難長安九月秋風寒秋風吹落薊門柳離  
人對之摧肺肝憶昔辭家事遠遊昆弟送我唱  
山頭相看一盃未及飲離魂欲斷雙淚流歸來  
伯仲不相待舊業惟餘我兄在翻思祖德遠貽  
謀寥落家門增感慨丈夫不遇緣數竒我兄五  
十猶布衣著書高卧河汾墅行吟甘茹首陽薇  
三年抱玉遊京國為憐骨肉遙相憶征鴻幾度  
復南還渺渺長空動秋色人生出處會有時我  
兄晚成當在茲遊經萬里同司馬賦就三都見  
左思今朝把酒送兄歸愁見鵲鴿原上飛念我  
遲回留帝里思兄何日到庭闈清霜匹馬行  
山路孤舟涼月黃河渡吁嗟此別不勝情離歌  
欲歇白日暮

沈明臣

金陵行送仲德

東南誰割鴻濛色大江西來天地坼虎踞龍蟠  
建業開王氣秦人銷不得紛紛六代英雄起空  
流一片秦淮水感慨雖多不復陳與君敬頌

高皇事一劔縱橫十七年文身窮髮盡朝天萬  
里江淮天作塹四朝溟渤海為邊複道重城社  
都會面負陰陽聖人制九市三條十二衢將相  
侯王分邸第壯麗蕭何作未央經營洛邑象周  
王羽衛百年張鳳翼周廬十萬列龍驤鳳翼龍  
驤照天地象闕雲臺浮御氣千門萬戶鬱龍葱  
上苑長林紆紫翠歌鐘鼎沸貴侯家燈火連宵  
巷陌斜陸海舟車通內外風雲冠蓋闢豪華王  
孫遊騎皆穠李公子香車碾流水別有青樓大  
道邊更飄香袖春風裡狹路妖童花不如少女  
娼家月相似月下相逢誰不憐花前一語魂先  
死何人能度可憐宵何人肯惜黃金銷醉騎寶  
馬踏花去淥水垂楊紅板橋

君不見行

世上榮華易消歇眼底憂疑須斷割昨日繁花  
今日稀明朝冷地今朝熱少年行樂須及春莫  
使秋風空白髮玉牀鴛帳卷龍鬚銀瓮兕觥傾  
豹血君不見漢殿終辭渭水雲秦關永謝咸陽

月

寶刀行送姪肩吾春試

我有寶刀長尺五佩之十年共辛苦蛇皮作鞘  
玉把頭金環繫繫青絲組光奪秋霜照膽明刃  
可吹毛白虹吐鷓鴣膏碎昆吾精陰山鬼哭并  
州土銛然切玉如切泥水割鯨鯢陸犀虎我家  
阿咸文且武萬言三上千明主解贈腰間動風  
雨一片雄心鍊花古揖別西鄰謝諸父但願清  
時用干羽

李時行

姑蘇曲

三月三江口垂楊復垂柳朝看燕引雛暮聽鶯  
求友此時花鳥競妖妍此際風光正可憐錦轡  
分飛爭道路朱輪合沓出郊廛千門簫管聲如  
沸公子豪華多意氣雕戟雲凝故相家玉闌花  
覆將軍第春衣製紫絨劒珮拂星紅暫醉專諸  
宅還宿館娃宮館娃宮裡飛花滿姑蘇臺上遊  
絲軟吳姬二八笑當壚能向春風歌宛轉宛轉

歌正微朱顏世復稀  
分明不是陽臺路  
只愁化作彩雲飛

盧柟

送人之塞上

北風瑟瑟胡馬鳴  
君今棄我何遠行  
陰山雪花大如掌  
黃雲出沒單于營  
萬里龍沙那可見  
將軍大小七十戰  
捷書奏入建章宮  
寄我雲中一隻箭

別李性菴還任丘

燕郊十月飛胡霜  
臨岐送子各盡觴  
腰間笑解延陵劍  
雪花墮地蛟龍翔  
都門佳期那可顧  
相思開遍三花樹  
歸時倘遇浮丘公  
為余接引嵩高去

寄謝茂榛

海水飛動凌三山  
巨鰲出沒流其間  
人生風波有如此  
颼颼秋風凋玉顏  
魯連自是烟霞客  
個儻長揖二千石  
一朝談笑飲聊城  
東入滄溟渺無跡

襄國飲鴛水野亭奉懷張明府

秋盡野亭鴛水陰平沙落日青楓林寒花爛熳  
不自愛霜風一墮柴門深我來對此沉吟久况  
是故人別離後何處浮雲晚未還散愁且醉襄  
城酒

詔獄結後敬呈王龍池二府致謝

蓬萊出海底金銀樓闕浮空烟蓬萊仙人與我  
語授之赤明玉字瑤華篇長跪讀玉字五內發  
金蓮欲持紫腦訣常從上清仙上清一去無窮

已回颺吹落長河汜晚將辭賦上燕京遂使明  
時笑巴里北關風雲不可期歸來小卧青山垂  
奇峰秀壑常相隨千岩度盡松風吹馮高把酒  
叫明月桂魂蟾影皆參差醉尋劉伶頌醒詠阮  
公詩泰山雷霆何足有淥水洪波可戲之烈烈  
雲間鷲脩脩蓬下鷄何意見相猜罹此血吻患  
羽毛灑平蕪骨肉不敢眄園墻一去幾時回桃  
花坐見十三開青春憶月秦人洞白日呼霜夏  
后臺我欲乘風震天鼓前擁脩蛇後狹猱九江

濤湧未是哀太行輪摧不言苦東海陸公真神  
明決垣培鎖粵長纓古泉楊馬連章入制可始  
入門一笑復何有女會縫裳妻白首竈下尺薪  
貴於玉盤中粒粟皆瓊玖惟有牀頭劍鋒在夜  
夜精光射牛斗射牛斗待張華神物詎肯終泥  
沙不然飛入延平津今者蛟龍昔鎔鄒鎔蛟  
龍孰可判明公義氣通霄漢爾時我為入幕賓  
贈之豈惟青玉案霞杯綺食飽我心至今側身  
倚增嘆東風嫋嫋沙草春衛河綠水波龍鱗欲  
將輕棹尋仙館其柰楊花滿河瀕楊花不可亂  
河瀕不可極待余攝衣起舞龍門前坐客滿堂  
驚太息

前有樽酒行

春風吹水搖綠波春日輝輝上翠峩悠悠簾幕  
捲芳草細細落花嬌綺羅胡姬嫵婉顰青蛾促  
絃急柱為君歌海水東流逝不返君今不飲可  
柰何

春怨詞

春雨足。花事促。捲簾見雙燕。鉛泪忽如霰。誰家  
白面郎。銀鞦驕馬繫垂楊。含咲解吳鉤。清歌碧  
玉甌。紫簫吹入行雲去。惹起瀟湘無限愁。

七夕

銀闕含秋星欲爛。天孫脉脉度河漢。仙鬟玉珮  
那可聞。佳人夜半開簾看。階前月色疑有霜。獨  
坐穿針向畫廊。東方日出烏鵲曉。天上人間枉  
斷腸。

苦寒吟

北風怒號河水折。鑿冰慘澹鮫人窟。琉璃應手  
忽破碎。天吳回首蛟龍血。錦鱗撥刺入豪門。鸞  
刀玉斧飛紅雪。馮讙夜坐食無魚。彈鋏高歌氣  
未舒。方袍着凍冷如鐵。嘯呼霜霰更愁余。星火  
不然寒欲死。皮皴肉裂老無齒。誰能醉解鷓鴣  
裘。別有權家會戚里。苦寒吟苦寒之吟不可聞。  
古來傑士多飢死。何必垂首涕交紛。

日言正堂

卷之六

三



